



CONVENIO DE COLABORACIÓN CULTURAL ENTRE O CONCELLO DE SANTIAGO DE COMPOSTELA E A ASOCIACIÓN CULTURAL O GALO

Santiago de Compostela, de marzo de 2019

REUNIDOS

Dunha parte, Don Martiño Noriega Sánchez, en nome e representación do Excmo. Concello de Santiago de Compostela, con CIF P-1507900-G, na súa calidade de Alcalde-Presidente da Corporación, e no exercicio das competencias que lle confire a lexislación vixente, en especial, o art. 124.1.a da Lei 7/85, de 2 de abril, reguladora das Bases de Réxime Local e o art. 61.1.a da Lei 5/97, de 22 de xullo, de Réxime Local de Galicia.

Doutra, Dona María Antonia Pérez Rodríguez, en nome e representación da Asociación Cultural O Galo, en calidade de Presidenta, con domicilio social en Rúa Patio de Madres nº 15 Baixo 15705 Santiago de Compostela, A Coruña e CIF: G15055015.

MANIFESTAN

1. Que o Concello de Santiago conta entre as súas funcións a celebración de convenios e concertos con institucións públicas e privadas para levar a cabo as tarefas da súa competencia, incluíndose nelas a realización de accións de fomento e difusión da cultura.
2. Que a Asociación Cultural O Galo vén desenvolvendo unha intensa actividade no eido da cultura en colaboración con outras entidades, entre as que se atopa o Concello de Santiago de Compostela.
3. Que a devandita iniciativa cultural resulta de especial interese para o Concello de Santiago polo seu impacto positivo na difusión da educación, a ciencia, a cultura, a lingua galega e os valores democráticos.

E por isto e que se acorda establecer un convenio de colaboración de acordo coas seguintes:

CLÁUSULAS

Primeira: Serán obxecto deste convenio as actividades que a Asociación Cultural O Galo desenvolve en Santiago de Compostela, actividades que teñen como fin a promoción da educación, a ciencia, a cultura e a lingua galega a través das actividades que se relacionan no Anexo 1.

Segunda: O Concello de Santiago colabora economicamente no desenvolvemento destas actividades (Anexo I) coa cantidade de **2.000 euros**, que serán ingresados na conta a nome do Asociación Cultural O Galo, que ten ao seu nome en **BANCO BILBAO VIZCAYA ARGENTARIA** co número de conta **ES32 0182 5922 4902 0156 0143**. Esta achega será compatíbel coas doutras entidades públicas ou privadas sempre e cando a suma delas non supere o importe total da actividade, e coas complementarias que o Concello poida, no seu día, establecer. Na cantidade obxecto do convenio entenderase incluído o Imposto sobre o Valor Engadido (IVE) e calquera outro tipo de imposto ou gasto.

Terceira: O pagamento realizarase logo da xustificación do gasto mediante a achega das facturas oficiais e recibos que correspondan, que deberán conter tódolos datos do perceptor, así como a correspondente retención do IRPF. Poderanse presentar os orixinais ou fotocopias compulsadas, a xustificación realizarase polo importe total da actividade non só pola contía da subvención.

Como documentos acreditativos dos pagos realizados só se aceptarán transferencias bancarias, certificacións de pago emitidas por entidades bancarias (extractos ou asentos de movemento individualizados). Os pagos en efectivo só serán admitidos para aqueles gastos que pola súa natureza non poidan ser pagos baixo outra modalidade, como subministro en restaurantes, gasoleiras, supermercados, etc, non

podendo superar en ningún caso a contía de 600 €. Acreditarase o pagamento mediante factura ou recibín asinado polo acredor indicando a data de abono debendo figurar a expresión recibín ou outra análoga.

Terán que achegar os seguintes documentos:

- Documentación acreditativa de que a actividade se realizou segundo o previsto.
- Certificación expedida pola Tesourería da Seguridade Social, que acredite que a entidade está ao corrente nos pagamentos que lle correspondan.
- Certificación da Delegación de Facenda do Estado que acredite que está ao corrente no pagamento das obrigas tributarias.
- Certificación da Consellería de Facenda da Xunta de Galicia que acredite que está ao corrente no pagamento das obrigas tributarias
- Certificado de non ter débedas co Concello de Santiago de Compostela
- Ingreso selado pola entidade bancaria correspondente que acredite a titularidade da conta na que se deba facer o pagamento.
- Declaración asinada polo secretario da entidade co visto e prace do presidente de non atoparse en ningún dos supostos de incapacidade e incompatibilidade para a percepción de subvencións ou axudas públicas.
- Declaración asinada polo secretario da entidade co visto e prace do presidente na que se faga constar as contías das axudas asignadas ou recibidas doutras administracións públicas, ou entes públicos ou privados, para o mesmo fin.
- Documento acreditativo de ter realizado os pagamentos.
- Tarxeta de identificación fiscal



A xustificación das contías poderán realizarse de xeito parcial até acadar o máximo da contía concedida. A presentación da xustificación realizarase seguindo o modelo do Anexo 2.

Cuarta: A data limite para a xustificación do convenio será o 15 de novembro de 2019.

Quinta: O Concello de Santiago figurará na publicidade e difusión das actividades subvencionadas, tanto impresa como en outros soportes, como “colaborador”, utilizando a súa imaxe corporativa. Asemade A Asociación Cultural O Galo, comprométese ao cumprimento das obrigas contidas na Lei Xeral de Subvencións 38/2003, a partir da data de sinatura.

Sexta.- Este convenio ten natureza administrativa e compételle ao Concello de Santiago o control da súa execución e a vixilancia do cumprimento do seu contido. O Concello de Santiago poderá, cando o considere oportuno, comprobar o estado de execución das actividades obxecto deste convenio. Crearase unha comisión mixta de seguimento da execución do convenio e para a solución e interpretación de controversias formada pola Concelleira de Acción Cultural e polo representante do beneficiario da subvención.

Sétima.- O incumprimento das cláusulas deste convenio por calquera das partes será causa suficiente de rescisión deste, do mesmo xeito procederá ó reintegro da subvención polas causas previstas no artigo 37 da Lei Xeral de subvencións.

Oitava.- Toda a comunicación, oral ou escrita, que se derive deste convenio, dirixida a esta administración ou a calquera outra entidade ou persoa, incluíndo a presenza pública mediante rótulos, avisos, sinais informativos, publicidade, atención directa, etc., así como o obxecto mesmo da contratación, realizaranse en lingua galega de acordo co previsto no Regulamento de uso do galego na administración municipal de Santiago de Compostela, especialmente no seu artigo 8.

Novena: A vixencia deste convenio é até o 31 de decembro de 2019. Este convenio



rexerá durante o presente ano e poderá ser prorrogado para o ano seguinte, por acordo expreso das partes, cos mesmos obxectivos e por unha contía económica non inferior, supeditado á existencia da correspondente consignación orzamentaria.

Décima: Será responsabilidade da Asociación Cultural O Galo a organización, xestión, publicidade e asistencia técnica requiridas polas actividades incluídas neste convenio. A Asociación Cultural O Galo será tamén responsábel dos traballos que desenvolva e das prestacións e servizos realizados, así como das consecuencias que se deduzan para a Administración ou para terceiros por omisións, erros, métodos inadecuados ou conclusións incorrectas na execución do convenio.

En proba de conformidade cos termos deste convenio asínase, por duplicado, no lugar e data de encabezamento.

Polo Concello de Santiago

Pola Asociación Cultural O Galo

Martiño Noriega Sánchez
Alcalde de Santiago de Compostela

María Antonia Pérez Rodríguez
Presidenta da Asociación Cultural O
Galo

**ANEXO 1. ACTIVIDADES DA ASOCIACIÓN CULTURAL O GALO EN CONVENIO CO
CONCELLO DE SANTIAGO**

1 Roteiros, actividades conmemorativas e visitas guiadas

AC. O Galo organizará roteiros e visitas guiadas por:

1. Diversas zonas e lugares do Concello do Concello de Santiago
2. Por concellos vinculados a Compostela e/ou con moi clara pegada e relación coa cidade.

Orzamento: 350 €

2 Presentación de libros, discos, audiovisuais, etc.

A AC. O Galo organizará presentacións de novidades editoriais, preferentemente de autores/as con vinculación coa cidade de Santiago e con Galiza.

Orzamento: 800 €

3 Palestras, coloquios, debates, mostras e obradoiros

AC. O Galo organizará conferencias, mostras e obradoiros relacionados con Santiago, coa cultura galega, e coa nosa cultura con outras culturas do mundo.

Orzamento: 850 €

4 Difusión das actividades da AC. O Galo e materiais para realizalas

Orzamento: 150

ORZAMENTO

1 Roteiros e visitas guiadas	350 €
2 Presentacións de libros, discos, etc	800 €
3 Conferencias e Obradoiros	850 €
4 Difusión das actividades e materiais para realizalas	150 €
Total	2.150 €

ANEXO 2: MODELO PARA A XUSTIFICACIÓN DA REALIZACIÓN DA ACTIVIDADE

D. _____ como representante legal de :

Entidade beneficiaria CIB/NIF

CERTIFICO:

1º.- Que o programa para o que se concedeu a subvención, e que a continuación se detalla, foi realizado na súa totalidade

Actividade ou programa: Convocatoria: Datas de realización: Importe da actividade: Importe da subvención concedida:

2º.- Que os gastos xenerados na actividade concreta do programa/s subvencionados son os seguintes:

Nº	CONCEPTO	IMPORTE	FECHA PAGO
	IMPORTE TOTAL DA ACTIVIDADE SUBVENCIONADA=		

Que se adxuntan as facturas ou documentos substitutivos correspondentes a estos gastos, así como a xustificación do seu pago.

